

LITANIA NIN PASASALAMAT PAKATAPOS KAN PANDEMIANG COVID-19

Lider: Magdolok kita sa Kagurangnan, na minabâgo kan gabos,
para sa gabos niatong inakong balaog asin biyaya
kan panahon nin pandemia-Covid.

Sa lambang pag-arang, kita gabos masimbag:

Simbag: Salamat sa Diós.

Lider: Sa pagpagiromdom samo kan kaluyahan nin buhay,
sa pagampon samo kan mayo nang nangangahas
na maglindong samo
asin sa pagbukas kan samong mga isip
sa tunay na kaipuhan sa buhay,
kita magpasalamat sa Kagurangnan.

Simbag: Salamat sa Diós.

Lider: Sa pagtugot samo na makisumarô na may pagtubod
asin pagkamoot sa lambang sarô,
dawa na ngani kami siniblag nin huli kan kahelangan,
magpasalamat kita sa Kagurangnan.

Simbag: Salamat sa Diós.

Lider: Para sa isog-boót kan mga naghatod samo
nin tabang na científico,
social asin espiritual dawa sa tahaw nin mga peligro
asin humâ sa saindang buhay,
magpasalamat kita sa Kagurangnan.

Simbag: Salamat sa Diós.

Lider: Para sa balaog kan mga bâgong tugdas na bulong
asin bakuna laban sa virus
asin an natural na pagsugpò kan paglakop kaini,
magpasalamat kita sa Kagurangnan.

Simbag: Salamat sa Diós.

Lider: Para sa balaog nin danay na presencia,
kan kami napupurisaw asin naghohorasa,
namumundô asin nagsolo-solo,
siring man kan nawâran nin paciencia
kan panahon nin pandemia,
magpasalamat kita sa Kagurangnan.

Simbag: Salamat sa Diós.

Lider: Mamibi kita.

Mamomoton na Diós, dai kaming inisip na dai mo aram.
Daing luhang pinabolos ni amo na dai mo pinagmakulugan.
Mayo kaming maogmang pigcecelebrar na bâgo sa saimo.
Naglaog ka sa samong kinâban nin kahelangan,
pagtios asin kagadan asin aram mo
an samong katakotan na inaatubang.
Akoa an samong pasasalamat
huli kan saimong mamomòton na pagmangno
sa panahon kan COVID-pandemia.
Siring kan saimong pagtangis sa pagkagadan ni Lazaro,
hangosan mo man kan hinangos
kan buhay na daing kasagkoran
an gabos na nagadan huli kan coronavirus.
Ginibo mong kaogmahan samong katakotan
huli kaini kami nagpapasalamat asin nag-oomaw saimo.
Sa saimo an kamurawayan ngonian asin sagkod pa man.

Lider: Nuestra Señora de Peñafrancia,

Simbag: Ipamibi mo kami.

Lider: San Miguel Arcangel,

Simbag: Ipamibi mo kami.

Lider: **(Santo/a patron/a kan parokya o comunidad),**

Simbag: Ipamibi mo kami.

Lider: Divino Rostro,

Simbag: Kaheraki kami.

LITANY OF GRATITUDE AFTER THE COVID PANDEMIC

Leader: Let us approach the Lord, who makes all things new,
for all the blessings and graces we received
during the COVID pandemic.

After every petition, let us say together:

Response: Thanks be to God.

Leader: For reminding us of the fragility of life,
shielding us when no one else dared to shelter us
and opening our minds to what is really essential,
let us thank the Lord.

Response: Thanks be to God.

Leader: For allowing us to connect with one another
with faith and love, despite the isolation
that sickness had imposed on us,
let us thank the Lord.

Response: Thanks be to God.

Leader: For the heroic kindness of those who provided us
with scientific, social and spiritual help
when doing so was both risky
and life threatening for them,
let us thank the Lord.

Response: Thanks be to God.

Leader: For the gift of newly discovered medicines and vaccines
to combat the virus and the wonder of natural immunity,
let us thank the Lord.

Response: Thanks be to God.

Leader: For the gift of assuring presence,
when we were anxious and distressed,
depressed and lonely and impatient during the pandemic,
let us thank the Lord.

Response: Thanks be to God.

Leader: Let us pray.

Loving God, no thought of ours is unknown to you.
No tear we shed is unimportant to you.
No joy we celebrate is alien to you.
You entered our world of sickness,
suffering and death and you know the fears we face.
Accept our thanksgiving for your provident love
during the Covid pandemic.
As you wept at the death of Lazarus,
breathe the breath of life everlasting
on all those who died from the coronavirus.
You have turned our fears into joy
and for this we thank and praise You.
To you be glory now and forever.

Leader: Our Lady of Peñafrancia,

Response: Pray for us.

Leader: Saint Michael the Archangel,

Response: Pray for us.

Leader: **(Patron Saint/s of the parish or community),**

Response: Pray for us.

Leader: Divino Rostro,

Response: Have mercy on us.